

Statuts da l'uniun Archiv cultural Domat

I. DISPOSIZIUN GENERALAS

Art. 1 Purtaders, sedia, neutralitad

¹L'uniun Archiv cultural Domat, numnada uniun en il sequent, è purtadra da l'archiv cultural Domat.

²L'uniun en il senn d'art. 60 ff dal Cudesch civil svizzer ha sia sedia giuridica a Domat.

³L'uniun è politicamain e confessionalmain neutrala.

⁴La denominaziun da persunas e funcziuns en quests statuts valan per umens e dunnas.

Art. 2 Intent

¹L'uniun ha l'intent da procurar per la preservaziun, promoziun ed intermediaziun professiunala dals bains culturals da Domat.

Art. 3 Onn da gestiun

¹L'onn da gestiun correspunda a l'onn chalendar.

Art. 4 Incumbensas da l'Archiv cultural

¹L'Archiv cultural rimna, documentescha, conserva, segirescha ed intermediescha perditgas da l'istorgia e cultura da Domat.

²La rimnada sa vegnir extendida sin auters objects, sche quels stattan en connex cun Domat.

³Tar las incumbensas tutga er la gestiun d'in museum davart l'entagliader da mascras Albert Anton Willi, numnà Naté (1872 – 1954).

II. COMMEMBRADI

Art. 5 Commembers

¹Commembers da l'uniun pon daventar persunas natiralas e persunas giuridicas da dretg privat e public.

²Davart la recepziun dals commembers decida la suprastanza.

Art. 6 Obligaziuns

¹Ils commembers sustegnan las activitads da l'uniun tenor lur pussaivladads.

²Els pajan la contribuziun fixada da la radunanza generala.

Statuts da l'uniun Archiv cultural Domat

Art. 7 Extrada

¹L'extrada è pussaivla per la fin da l'onn chalendar. Ella è d'annunziar en scrit a la suprastanza.

Art. 8 Exclusiun

¹La suprastanza po excluder commembers che cuntrafan als statuts u a las decisiuns dals organs da l'uniun u che sa mettan cunter ils interess da l'uniun.

Art. 9 Responsabladad

¹Per las obligaziuns da l'uniun garantescha sulettamain la facultad da l'uniun.

²Ils commembers n'èn betg responsabels persunalmain.

III. ORGANISAZIUN

Art. 10 Organs

¹Ils organs da l'uniun èn ils sequents:

- a) la radunanza generala
- b) la suprastanza
- c) ils revisurs.

Art. 11 Radunanza generala, convocaziun

¹La radunanza generala è l'organ suprem da l'uniun.

²Ella ha lieu mintg'onn al pli tard la fin d'avrigl. La suprastanza communitgescha il termin cun ina annunzia preliminar en moda adequata.

³La suprastanza annunzia las tractandas almain 15 dis avant, saja quai en scrit u cun publicaziun da quellas en il Fegl uffizial da la vischnanca da Domat.

⁴Propostas dals commembers èn d'inoltrar almain trais emnas avant la radunanza en scrit a la suprastanza.

Art. 12 Radunanza generala extraordinaria

¹La suprastanza po convocar da tut temp ina radunanza extraordinaria.

²La suprastanza sto plinavant convocar ina radunanza extraordinaria, sch'in tschintgavel dals commembers pretenda quai.

Statuts da l'uniun Archiv cultural Domat

Art. 13 Decisiuns, elecziuns e dretg da votar

¹Il president maina la radunanza generala. En cas d'impediment fa il vicepresidente quai.

²Mintga radunanza generala convocada correctamain po prender decisiuns.

³Mintga commember ha ina vusch. Substituziun n'è betg permessa.

⁴La radunanza prenda sias decisiuns ed exequescha las elecziun en votaziun averta cun maioritad simpla dals commembers preschents.

⁵Sin proposta da la suprastanza u sin dumonda d'in terz dals commembers preschents sto la votaziun u l'elecziun succeder en scrutini.

⁶Tar paritad da las vuschs decida il president en cas da tractandas realas. Tar elecziuns decida la sort.

Art. 14 Cumpetenzas

La radunanza generala

- a) elegia dus dumbravuschs
- b) approvescha il protocol da la davosa radunanza generala
- c) approvescha il rapport annual da la suprastanza
- d) approvescha il quint annual ed il rapport dals revisurs
- e) fixescha la contribuziun da commember
- f) accepta il preventiv
- g) elegia il president, dus ulteriurs commember da la suprastanza e dus revisurs
- h) tracta las propostas da la suprastanza e dals commembers
- i) decida davart la commembranza en autras instituziuns culturalas
- j) decida modificaziuns dals statuts
- k) po dissolver l'uniun cun ina maioritad da trais quarts dals commembers preschents.

Art. 15 Cumposiziun e durada d'uffizi da la suprastanza

¹La suprastanza consista da tschintg commembers

- a) il president
- b) l'actuar
- c) il cassier
- d) in represchentant da la vischnanca politica
- e) in represchentant da la vischnanca burgaisa.

²La suprastanza sa constituescha sezza.

³La suprastanza po prender decisiuns, sche trais commembers èn preschents. Tar paritad da las vuschs decida il president.

⁴La durada d'uffizi è dus onns. Reelecziuns èn pussaivlas.

Statuts da l'uniun Archiv cultural Domat

Art. 16 Incumbensas e cumpetenzas

¹La suprastanza

- a) maina l'uniun e represchenta quella vers anora
- b) prenda tut las mesiras per cuntanscher l'intent da l'uniun tenor Art. 2
- c) fa curvegna da prestaziun cun la vischnanca politica e la vischnanca burgaisa
- d) prepara il rapport annual ed il quint annual
- e) prepara il preventiv annual
- f) elavura il plan per las activitads da l'uniun
- g) regla il dretg da sutscripziun per l'uniun
- h) elavura in reglament per il persunal da l'archiv
- i) tscherna il persunal da l'archiv
- j) elavura in urden da diever per l'Archiv cultural
- k) fixescha il temp d'avertura da l'Archiv cultural
- l) concluda contracts che n'èn betg en la cumpetenza dal persunal da l'Archiv cultural
- m) po consultar personas dal fatg per incumbensas spezialas
- n) ha la cumpetenza da decider d'expensas annualas nunprevisas fin 5'000 francs
- o) regla las incumbensas e las cumpetenzas dals suprastants.
- p) ademplescha tut las incumbensas che n'èn betg attribuidas ad in auter organ.

Art. 17 Revisurs

¹Il revisurs examineschan il quint annual, dattan rapport en scrit per mauns da la radunanza generala e fan proposta concernent il quint.

²La durada d'uffizi è dus onns. Reelecziuns èn pussaivlas.

IV. FINANZAS E LAVUR PUBLICA

Art. 18 Finanzas

¹L'uniun procura per sias finanzas tras

- a) contribuziuns dals commembers
- b) contribuziuns da benefactors
- c) contribuziuns da sponsurs
- d) Donaziuns
- e) Imports da cuminanzas publicas
- f) Imports dad organisaziuns ed instituziuns
- g) Daners d'entrada
- h) Activitads da l'uniuns, sco taxas e prestaziuns da servetschs
- i) rendita da chapitals.

Art. 19 Lavur publica

¹L'uniun fa attent en moda adattada sin sias activitads.

Statuts da l'uniun Archiv cultural Domat

V. DISPOSIZIUN FINALAS

Art. 20 Dissoluziun

En cas da dissoluziun da l'uniun va la facultad da l'uniun ad ina organisaziun cun intent sumegliant. Na datti naginas da quellas, sa curvegnan la vischnanca politica e la vischnanca burgaisa davart il diever da la facultad.

Art. 21 Entrada en vigor

Quests statuts entran en vigor cun l'approvaziun a la radunanza da fundaziun dals 13 da zercladur 2019.

Domat, ils 13 da zercladur 2019

Il president



Silvio Fetz

L'actuar



Beat Wittwer